

# Misi jaga kualiti air

Kerajaan Negeri lancar Program Satu Negeri Satu Sungai

**SHAH ALAM** – Kerajaan Negeri semalam melancarkan Program Satu Negeri Satu Sungai dengan matlamat mencapai kualiti air kelas IIB menjelang 2015.

Menteri Besar, Tan Sri Abdul Khalid Ibrahim berkata, program itu juga bertujuan menjadikan sungai dan persekitarannya sebagai kawasan rekreasi yang semula jadi.

Menurutnya, pelaksanaan program itu juga untuk memastikan sungai bebas dari sampah dan mendapan yang boleh menyebabkan banjir.

“Sungai adalah aset negeri yang bernilai dan perlu dipelihara, sekiranya sungai diurus dengan baik ia mampu memberi pulangan bagi menjana ekonomi negeri.

“Program yang dilaksana-

kan ini boleh dijadikan contoh kepada lembangan sungai yang lain,” katanya ketika berucap merasmikan program tersebut di Bangunan Setiausaha Kerajaan Negeri (SUK), di sini semalam.

Hadir sama, Exco Pelancongan, Alam Sekitar dan Hal Ehwal Pengguna, Elizabeth Wong.

Terdahulu, Abdul Khalid turut melancarkan laman web Penchala-GIS, bertujuan membangun dan melaksanakan sistem pengurusan sungai untuk Sungai Penchala bagi menyokong strategi pelaksanaan program tersebut.

**HEBAHKAN**  
Aktiviti Komuniti Anda  
**Hubungi**  
**Sinar Harian**



■ Abdul Khalid (tiga, kiri) melancarkan laman web Penchala - GIS bersama Ronnie (dua, kiri) dan Elizabeth.